

# Мана Ставропольск край

## Кубань-Егорлыкск услугна систем

Хагсу-ганьгта Ставропольск теегиг услгъна туск тѳрнг, Советск йосн тогтсн тѳрун джилас авн Владимир Ильич Ленин оныгтан авч тавдж йовсми. 1918 джилин январь сард Кубань-Егорлыкск канал тосхлгъар хайдж-шинджлгън кѳдлмш келгънă экспедиц бѳрдѳгдсми. Болв, эн кѳдлмш гражданск дѳанас кѳлтѳ делгртѳн авсми биш.

1935 джилд, Партин Централън Комитет болн Советск правительств, Кубань-Егорлыкск услгъна систем тосхлгъна туск шиндѳ гаргъсми. Ставрополин хазгуд, колхозникѳд болн кѳч-кѳлсчнр ѳврик ѳргмджтѳгъѳр эн шиндѳр кѳцѳдж, Кубанѳ дала болсн усиг Егорлык голур йовулдѳж Невинномыскс каналин тосхлт 1949 джилд тѳгссми.

Невинномыскс канал, Ставропольск крайин Невинномыскс, Ворошиловск, Изобильненск, Труновск, Дмитриевск, Молотовск районст, Ростовск областин Песчанокоск, Развиленск болн Сальскс районст ус орулв. Эн газрин бѳѳдл унъгарн хѳврв. Егорлык гол 450 километрин ут-туршарт дѳѳрнъ уста болв. Западн Манцын сала 350 километрин ут-туршарт бас дѳѳрнъ уста болв.

Манцын сала кѳѳгъѳд, 10 минъгън гектар Егорлыкн болн Манцын хагсу тег газрт усн орулгдв. Ода Птичьѳ, Молотовск, Сенгилеевск гидѳ бѳѳрн газрмудар ѳмннъ ургъдѳго бѳдниц, помидор, агъуриг, хавстн ургъдг болв. Селѳнѳ эдлахун шин ѳнъг—тутргъ тѳрлгън гарв.

Кубань-Егорлыкск услгъна системд Правѳ-Егорлыкск канал ордми. Эн каналин тосхлт 1949-ч джилд эклгдлѳ. Кубань-Егорлыкск услгъна систем бѳкдѳн, 23 минъгън

квадратн километр газр услхми. Каналмудин районсар, ѳмтс бѳѳх 258 пунктс уста болхми. Колхозмудин 6 ик болн 12 бичкн электростанцс кѳдлѳлдж, 200-гар боодгн усн кѳдѳлхми. Дакад канал 60 шаху хагсу саласд ус орулхми. Ус орулгдсн голмуд болн салас удтан 1800 километр болхми. Ставропольск крайин барун-ар ѳзгѳр, ут-турштан 3600 километр газрт усн гѳѳлгѳлгдхми, эннъ тегѳд уттан Иджл голин усна гѳѳлтлѳ ѳдл шаху болхми. Ингѳд, усар тату Ставропольск крайин газр, мана тѳрскн партин болн Советск правительствин килмджд уста болад эдл-ахун цаарандк ѳслтд агъу ик эваргъ сѳкгдхми.

## Ставрополь голта болн тенъгстѳ болхми

Крайин восточн райондас авн Кѳк тенъгс кѳртл хагсу, улан шаврта, зѳрм газрин элстѳ агъу ик тег бѳѳнѳ. Эннъ, Кѳм гол, Кѳк тенъгс болн Ерген—дунд, ардагшан Шорвин кецл кѳрдг, Терек болн Кѳм голмудин бельчрин ѳѳр болхла, ногайск ѳргн теегт кѳрдг Хар газр болджана.

Хар газр болн ногайск тег—малин чилшго, кѳчтѳ идг. ѳвлин цагт энѳнд цасн амрсар орхш, орхларн дарунъ хѳѳлдж она. ѳвлин цагт ингѳлѳн Ставрополин, тер тоод хальмг автономн танъгъчин, Дагестана нам Закавказин дала ѳдл мал,—зуугъд минъгъѳд хѳн, ѳкр ирдж ишлнѳ. Эн газрин нег дутгнъ—усн. Усн татугъин учрар ѳвсн багъар белдгднѳ, малин ѳслт бѳргднѳ. Тегѳд Хар газрт ус орулгън цуг госуларствин эркн чинр зѳѳв.

Эн эркн тѳрнг, чидлѳн иткмджтѳ советск олн-ѳмтс, бас хагълдж йовна. 1952 джилѳс авн Кѳк тенъгсин хагсу тее-

**Ставропольск край 13 сай гектар газр эздѳжнѳ. Крайин составд Хальмг болн Карачаево-Черкесск автономн хойр одласть орна. Крайин газрин агъуд 6 сай арслнъ мнъгнѳ промышленн продукция 600 предприятие бѳѳнѳ.**

**Крайд сегдсн кѳчтѳ ик газ гардг газрас талдан, кемдѳжѳѳрн багъар газ гардг олзлхд эвтѳ талдан кесг газр хѳлѳгдѳж сегдѳ. 30 районна центрт, ѳмтн бѳѳдг 1458 пунктѳ, 147 МТС-ѳ, 200 гар колхозд болн совхозд газ оруллгъна кѳдлмшин зура кегдѳж диглгдсн бѳѳнѳ.**

гѳр кесг бульдозермѳд, скрепермѳд, экскаватормѳд йовулдѳд, Терск-Кумск каналин тосхлт эклгдсми. Эн каналин тосхлт 1957-1958 джилмѳдт тѳгсгхѳр темдглгдсми. Энѳнѳ ашд, Ставрополин 200 минъгън гектар газрт усн орулгдхми. Кѳм голас ар талагшан, Терск-Кумск системин хойрдгч звено—Кумо-Маньческ



Мана крайин газрмудар виноград, ѳлми, кемн, чи, нанъ чигн кесг зѳсн зер-земш ургъна.

**ЗУРГТ:** Кѳч-кѳлснѳ ветеран, ода пенсионер Т. Е. Мендель, энѳнѳ эмгн М. А. Мендель хойр 4-ч номертѳ совхозин газрт тѳрдѳж ургъасн виноградн хѳлѳджѳнѳ.

канал бас тосхгдми. Эн канал Левокумск болн Арзгирск райондуд дамдѳад, Чограй голин бахлурт, Манцын зѳн халхд кѳрхми. Манц голин дорд бийнъ керчгдѳд агъу ик боодг боогдхми, Манцын барун бийѳснѳ болхла, Дивн селѳнѳ ѳѳр боодг боогдѳд, Чограй голин бахлур эргндк Чограйск тенъгс—нур гигъѳд дала ѳдл усн зогсхми.

Терск-Кумск болн Кумо-Маньческ каналмуд тосхлгън—хѳд ѳслгъ тѳргѳр ѳргдѳлхд улм сѳн зокалта бѳѳдл гаргъхми. Хар газрт усн орулгдхми, дакад газрнъ услгдхми.

## Ставропольск газ

Ставропольск край, природн газин болн нефтин агъу ик кѳрнѳтѳ.

Ниднин джил, болзгасн урд, орн-нутгт хамгин ик Ставрополь-Москва хоорндк магистралън газопровод дуусгдв. ѳдгѳ цагт газопроводин хойрдгч хаалгъ тосхлгън эклгдв. Хамгин килвр тѳлѳ ганцхн Москва биш, Ново-Черкесск Жданов, Таганрог, Ростов-на-Дону, Ворошиловград, Воронеж, нанъ чигн тинм промышленн балгъсд авцѳхми. Минъ ода сар болгън 100 сай улѳ кубическ метр Ставропольск газ газопроводар ѳгдѳджѳнѳ.

Ставропольск крайд нефть гардг долан газр олдж авгдсн бѳѳнѳ. Северн Кавказд Ставропольск край, нефть гаргъдж ѳгдг крайд удл уга хѳврнъ гиджѳнѳ.

## Газрин ѳрѳс гардг эм

Ставропольск крайин газрин ѳр минералън усар элвг. Кавказск минералън усна нернъ ганцхн эврѳ орн-нутгт биш, газадн орн-нутгудт делвсми. Кавказск минералън усна

булгуднъ, газрин ѳр дорас кесг веществ—углерод, кислород, водород, сера, азот, натрий, кальций, калий, магний, марганец, железо, цинк, хлор, бром, радий нанъ чигн кесг элементс уста хамднъ гаргъна. Олн-зѳсн химическ веществѳтѳ 12 ѳнъг минералън усн бѳѳнѳ.

Крайин ѳмн халхднъ минералън усна 70 булг бульглна. Усна температурнъ 10 авн 55 градус халута. Халун усн гидж делкѳд туурсми. Кавказск минералън халун усн, кѳѳнѳ олн зѳсн гем эдгѳхд дегд туста. Кавказин курортс бѳѳх газрмуднъ сѳѳхн, кѳѳнѳ махмудт таалта, нѳднд худжрта, седклд байрта болад, кѳѳг авлмн. Тегѳд чигн орсин алдр поэт М. Ю. Лермонтов эврѳннъ дуундан дуулсми.

## Хойр костюмин негнъ—Ставропольск нооснас кегднѳ

Ставропольск газрин агъунъ—дала ѳдл ик. Дулан нарна элвг герл тусдг крайин газрин ѳмн халхднъ олн-зѳсн культур тѳргднѳ. Намрар тѳрдг цагъан гуйрин буудѳ болн ичмѳн, нарн ѳвснѳ ясн болн эрднъ-шиншѳ, клещевин, тутргъ, соя нанъ чигн кесг культур тѳргднѳ. Багцд, темснѳ садт болн виноградт ик газр эдлгднѳ.

Энъ-зах уга теегѳр олн-зѳсн мал агърусн идишлнѳ. Ставропольск мѳрд, хальмг тохмта цух улан ѳкрмѳд, нег улѳ торгън нооста ставропольск хѳд цуг Советск Союзд нернъ туургсми. Ставропольск крайин ѳгдг торгън ноосн цуг Советск Союзин торгън ноосна 50 процентнъ болна, талданар келхлѳ, мана фабриксѳр уйгдг шеемг костюмсин хойрас негнъ ставрополин хѳѳдин торгън нооснас кегдг болджана.